



Na osnovu člana 55. stav (2) Poslovnika Predstavničkog doma Parlamentarne skupštine BiH ("Službeni glasnik BiH", broj 79/14) i člana 45. stav (2) Poslovnika Doma naroda Parlamentarne skupštine BiH ("Službeni glasnik BiH", broj 58/14), Parlamentarna skupština Bosne i Hercegovine, na 18. sjednici Predstavničkog doma, održanoj 7. oktobra 2015. godine, i na 10. sjednici Doma naroda, održanoj 14. oktobra 2015. godine, donosi

## ZAKLJUČAK

### **o osnivanju Privremene zajedničke komisije oba doma Parlamentarne skupštine Bosne i Hercegovine za pripremu i upućivanje u parlamentarnu proceduru Prijedloga zakona o parlamentarnom nadzoru**

#### **Član 1.**

Osniva se Privremena zajednička komisija oba doma Parlamentarne skupštine Bosne i Hercegovine za pripremu i upućivanje u parlamentarnu proceduru Prijedloga zakona o parlamentarnom nadzoru.

#### **Član 2.**

U Privremenu zajedničku komisiju iz člana 1. ovog zaključka imenuju se

iz Predstavničkog doma sljedeći poslanici:

1. Salko Sokolović
2. Borislav Bojić
3. Predrag Kožul

iz Doma naroda sljedeći delegati:

1. Ljilja Zovko
2. Safet Softić
3. Ognjen Tadić

U Privremenu zajedničku komisiju tri predstavnika treba da imenuje i Vijeće ministara BiH.

#### **Član 3.**

(1) Zadatak Privremene zajedničke komisije je da pripremi i u parlamentarnu proceduru uputi Prijedlog zakona o parlamentarnom nadzoru. Zakon o parlamentarnom nadzoru mora zadovoljiti osnovne ciljeve radi kojih se donosi, a to su unapređenje efikasnosti,

transparentnosti i funkcionalnosti institucija nad kojim se provodi nadzor, bez ograničavanja predmeta zakona na institucije sigurnosti i odbrane. Jedan od ciljeva zakona bio bi i efikasna kontrola realizacije utvrđenih politika zasnovanih na kompromisu, od institucija nad kojim Parlamentarna skupština provodi jednu od svojih važnih aktivnosti, a to je kontrolna aktivnost. U zakonu treba da budu sublimirane i razrađene sve odredbe poslovnika domova koje se direktno ili indirektno odnose na predmet zakona, posebno dio koji se odnosi na javno saslušanje pred komisijama.

(2) Stručne i administrativno-tehničke poslove za Privremenu zajedničku komisiju oba doma obavljat će Sekretarijat Parlamentarne skupštine BiH.

#### **Član 4.**

Rok za realizaciju zadatka iz člana 3. Zaključka je 60 dana od dana konstituiranja Privremene zajedničke komisije oba doma Parlamentarne skupštine Bosne i Hercegovine za pripremu i upućivanje u parlamentarnu proceduru Prijedloga zakona o parlamentarnom nadzoru.

#### **Član 5.**

Ovaj zaključak stupa na snagu kada ga u identičnom tekstu usvoje oba doma Parlamentarne skupštine BiH, a bit će objavljen u „Službenom glasniku BiH“.

Broj: 01,02-34-1-1229/15

14. oktobra 2015. godine

S a r a j e v o

Predsjedavajuća  
Predstavničkog doma  
Parlamentarne skupštine BiH

**Borjana Krišto**

Predsjedavajući  
Doma naroda  
Parlamentarne skupštine BiH

**Bariša Čolak**